

散曲叢刊
第七種
汧東樂府

冊二

汴東樂府卷之二

明武功康海德涵撰 江都任訥中敏校訂

北曲套數

南呂一枝花

春賞

和風動碧天。淑氣回青嶠。長隄翻嫩柳。深澗點夭桃。
暖律初交。已顯鴻鈞造。誰知大化饒。徧天涯芳草葱
菁。滿園陬穠華窈窕。

〔梁州〕杜宇聲喚不住。戀春光遊客金鞭。秋千影打
不斷。戲春情士女朱絲。春盤綵勝爭誇耀。纔歸南浦。
又約東臯。方過竹塢。却入林坳。喜孜孜喚友呼朋。樂
陶陶命色徵嬌。少酒時典春衣。直覓向杏花谿。牧羊
兒笑指前村。有情啊。沂春流直訪到楊柳岸釣魚翁。

行吟曲沼。醉來波倚春風斜。臥在碧桃蹊。玉人兒鬪
草東郊。香醪翠黛。兩般兒促擁出千般妙。更那堪長
樂苑曲江道。處處朱樓映柳條。端的是難畫難描。北宮

詞紀喚友呼朋作把密友相邀命色徵
嬌作把豔色相招牧羊兒作牧牛童

〔隔尾〕也待要護春園不許東風虐。怎禁他趕暮景
頻將花片拋。綠暗紅稀百忙鬧。黃鶯聲恁嬌。綠楊烟
恁好。到過了如此春光兀的不可惜了。

夏賞

新荷點綠錢。濃柳團蒼蓋。朱櫻雲外摘。白鷺水邊來。
芍藥方開。簾捲葵榴色。歌移鶯燕猜。望層臺灌木陰
陰。看曲沼纖蒲藹藹。

〔梁州〕水亭幽宜歌宜舞。午風涼堪想堪懷。年來賸
有追遊債。閑調金縷。笑引鸞釵。雄吞碧碗。醉舞蒼苔。

亂紛紛戲蹴藏闔。密匝匝打馬鋪牌。有時節綠陰中
坐輕莎。謾轉屠蘇。有時節小橋邊趁清波。微歌欵乃。
有時節疎籬外。藉涼陰俯視談諧。歡來再醺。從他酒
病連朝害。者莫向紅樹底碧山外。顧不的避飲黃公
肚量窄。都一般暢飲開懷。

〔隔尾〕雖不似流金鑠石三伏屈。怎當他翠繞紅圍
一字排。美景良辰好寧耐。有花香月色。有佳人俊才。
似這等著緊光陰。便有那萬兩黃金向誰買。

壽北山先生

丹霄彩鳳來。畫閣天仙到。南洲遺火棗。東海獻蟠桃。
瑞氣飄飄。一派笙歌鬧。千聯羽節高。壽筵開壽酒如
泉。仙母降仙音縹緲。

〔南大迓鼓〕仙姬列翠翹。金杯玉斚。畫棟朱箔。仙客

皆奇妙。仙花仙果。仙酒仙穀。仙園仙居。難畫描。

〔北罵玉郎〕珠簾不許凡塵到。山隱隱。水迢迢。蒼松老。檜周圍罩。有的是獻果猿。啣花鹿。燒丹竈。

〔南一江風〕醉酕醄。此意誰堪道。自有知音妙。儘今宵主勸賓酬。斗轉星移。始稱佳辰樂。歌聲聽轉嬌。歡悰看更好。有甚事縈懷抱。

〔北感皇恩〕呀。他本是天挺人豪。說甚麼丙魏蕭曹。想當日列都臺。持使節。靖天驕。今日個辭榮豸府。溷跡漁樵。真個是有來頭。能結果。會逍遙。

〔南東甌令〕多才藝。有問學。治亂安危咳唾間。了功名事業。看來小。自喜元龍傲。觀山玩水樂淘淘。雲蕩漾。錦窩巢。

〔北採茶歌〕雲蕩漾。錦窩巢。玉璘珣好根苗。端的是

鳳凰池上鳳凰毛。壽比南山還草草。福如東海任朝朝。

〔南節節高〕錦箏玉笛。錦瑟鸞簫。纖羅霧縠相輝耀。般般妙。更綺筵。翻新調。恍如耳聽鈞天樂。分明身在蓬萊島。沽名釣譽怎生堪。雄才大器纔能到。

〔北隔尾〕看了這階榴滿把金杯照。徑竹輕將玉珮搖。水閣風來翠簾約。有鳴鸞舞鶴。有琪花異草。敢只是天上疑多世間少。

〔南餘音〕年年歲歲人長好。天長地久永堅牢。萬載千秋長不老。

秋興

波澄木葉飛。秋老山雲澹。小樓歸鳥度。高閣晚風饒。綠橘黃柑。故把秋容嵌。還將秋興探。坐崇巒。天闊烟

微臨曲沼荷枯芰減。

〔牧羊關〕輞川圖寂寞了茱萸泝。桂嶺記蕭條煞鉤潭。把一葉採蓮舟。漂泊的地北天南。促擁的江潮太狂。逼落的簷鐸煞慘。清輝流玉臂。涼霧濕春衫。對金尊拌一醉。撫瑤琴情萬感。

〔菩薩涼州〕傍谷依巖把千山俯瞰。閑愁不沾。好棲遲一捺茅庵。白雲蒼岫恣貪婪。朱顏綠鬢無多暫。輕裘肥馬常傾陷。眼見的不遮暗。世態人情卽漸諳。又甚麼管見高談。

〔玄鶴鳴〕思往事明如鑑。趁秋光且盡酣。衰容新蹇蹇。短髮漸鬢鬢。休直待秋色暮天昏。地黯黯。且看籬邊黃菊。戶外晴嵐。牀頭寶劍。杖底長鸞。枉笑殺當年籍與咸。濁醪可醢。玉珮豈堪。

〔賀新郎〕一尊桂酒味清甘。只吃的夜盡更移。香銷燭暗。又不是大官茶飯。愁糾糾。意到處。湖山任覽。興濃時。歌舞隨吟。雲鬟燕趙女。繡帶鳳凰簪。紅牙不妬芙蓉頷。肌穠荷未斂。語媚桂初含。

〔梧桐樹〕休誇德祖敏。且抱伯陽憨。者莫教貝錦譏。蕙荑謗。麝裘訕。我只知沉醉在黃花檻。

〔紅芍藥〕我如今烟波獨許白鷗參。有甚叨貪。一年時序已過三。樂事空擔。和陶詩張白毡。得意後笑語湛湛。虚脾風月任君拈。□□似睜眼受拘監。

〔草池春〕怕拘監。愛淡恬。自返幽居。事事舒眉張膽。歷歷神怡心湛。常常意暢情耽。日日開尊設宴。漢陰抱甕。豈慚沒上荷鋤。何憾。愁同季子聯驂。喜共長公浮艦。荊州介豎信讒。錢塘詩人亦闇。悲歌慷慨匪鷁。

坐起從容宜監花。無千日長醺。海豈一篙可探。口味
怎齊淡鹹。目力易分青紺。想他每落魄湖南。遊戲江
檐。散澹林嵐。嘯傲津潭。又何心皂蓋金銜。旣隱秋巖。
是非身喜應了。漁樵讖。懸河辯。倚馬譚。到處人嫌。放
情偃蹇。信意腌臢。

〔翠盤秋〕看時節移坐榻對明蟾。口把新詩占。捲起
疎簾興更添。桂漿瑤瑟兩爭甜。不數石家豔。

〔玉交枝〕由他醞釀。隨時束檢。長安門裏多坑塹。古
今來幾人諳。周公富不及仲子廉。楚襄愚可似曹瞞。
儻盡都是書生冗談。甚力氣和他討探。不如咱閑袖
手靜掀髯。逢暇日把杯探。心無一事牽。愁脫千斤擔。
常訪鹿皮翁。永閉龍光劍。且將息不耐風霜自由的
臉。

〔煞〕比似他高牙大纛有千人喊。怎及俺萬縷烟霞。盡日酣新詩吟罷不題函。便衫袖被酒淹。怎肯教情闌性減。這風流豈污盪。古往今來只二三。端的是敢陋安咸。

〔隔尾〕想當日名傳鳳苑真虛泛。身繫鸛班事可慚。薄劣愚庸近方諧。只好向山林中笑談。桑榆間眺覽。但想起駟馬高車就說破我膽。

正宮端正好

秋興次漢陂先生韻

霜降水收痕。木落山緘綠。淡烟衰草橫鋪。黃花爛熳梧桐塢。掩映著西巖路。

北宮詞紀作淡烟凝衰草橫鋪

〔滾繡球〕剷畦塍作沼渠。架桑麻蓋隱居。樂陶陶做一個傲羲皇人物。任天公怎生般加減乘除。興來啊

一珍做宋服
旋去沽。睡濃啊誰敢呼。我把這世間情飽諳心目也。
待要苦依依落魄隨俗。止爲這雙妻被底難伸脚。因
此上七里灘頭只釣魚。撇罷了玉廩天廚。

〔叨叨令〕想著那列朱門排畫戟風雷度。怎如我飯
雲根餐玉髓烟霞住。有時節望青山看綠水乘嘉樹。
有時節伴漁樵歌窈窕盟鷗鷺。兀的不自在煞俺也。
麼哥。兀的不自在煞俺也。麼哥。夢不向鳳池遊。座不
許朱衣擁。身不要黃金鑄。

〔脫布衫〕愛的是小槽間榨滴珍珠。拔的是畫堂中
舞映艷觥。喜的是曲檻邊鶯啼燕語。怕的是玳筵前
酒停歌住。

〔小梁州〕憑著這廣種薄收百畝廬。有甚躊躇。但能
夠千杯綠醕潤腸沽。盈虧數一迷裏做癡愚。

〔么〕常言道聰明反被聰明誤。悔當初硬捋龍鬚。覷了那軒冕叢簪。纓聚恰便似蜃樓海市。越明白越模糊。
北宮詞紀龍鬚作虎鬚

〔上小樓〕說甚麼貔貅侯府。金貂引路。止不過寢有餘姬。食有餘味。動有餘驅。鄭大夫。楚大夫。千憂百顧。只俺這醉中天。幾人參悟。

〔么〕遮莫他人成市虎。我只要心隨汀鷺。況逢著萬國同文。三邊偃武。四海無虞。意轉輸。影未孤。他來我去。恰便似淡悠悠散雲閑鹿。

〔滿庭芳〕那里問柑甜橘苦。管甚麼磁甌瓦鉢。玉斚金壺。前程萬里。昏如霧。那坵兒買笑追娛。客至也烹雞宰殺。酒闌時閉戶。鍵閤繁。共省由咱做。常把這烟霞伴侶。何必問匡廬。

〔快活三〕流年電過速。富貴棒催駒。山妻稚子再無餘。何苦縈心慮。

〔朝天子〕拆這座矮屋。蓋一所敞屋。意更比陶朱富。吟詩泛酒。日西晡。總是風流處。綺構雕闌。朱樓玉戶。訪東君非舊主。有黃梁幾斛。守薄田數畝。肯更把虛名顧。

〔四邊靜〕且看這秋風禾黍。未識隋宮。安知漢都。舊日名區。今日耕耘處。怪官胥里徒。俵寫入農桑簿。

〔耍孩兒〕爲甚麼安車恥向紅塵去。單效那不啣溜。悲秋杜甫。便做到三公六位待何如。頭疼殺馬。穰人呼愛你。個科頭跣足眠幽谷。因此上倒缶傾囊。貫酒壺。閑議論誰曾顧。可正是山禽難飼。野馬難芻。北宮詞紀

首句末作紅塵路。

〔五煞〕天空水自澄。心狂膽易粗。長門獻賦非無遇。
林泉慣養嚴陵拙。毛骨愁開伯樂圖。意到處都成趣。
消受了琴書散誕。怕甚麼世故荒蕪。

〔四煞〕阮郎途未窮。黃公計有餘。今生暫歇雲霄路。
歡來漉酒溪頭飲。醉後呼僮馬上扶。也不索蘇門住。
我看那鳴鸞佩玉。恰便似怖鴿驚駒。

〔三煞〕輕霜下遠天。清風蕩短裾。黃花又趲秋光去。
比若你蒼鷹細犬愁呼子。怎似我破帽青衫穩跨驢。
日暮也船橫渡。休誇智巧。且信僂愚。

〔二煞〕斜暉倒浸波。長空亂點烏。行歌坐詠非遲暮。
竹籬茅舍人來晚。峻嶺崇山月上初。試緩步臨流去。
影搖深樹。興滿歸途。

〔一煞〕殘年喜尚饒。人情信所趨。飄風逝水勞君覷。

常教瓦盎盈村酒。不必公車枉薦書。醉飽後別無慮。堪嗟楚信可笑吳胥。

〔煞尾〕非關咱感廢興。但因情陶肺腑。是誰人勾引出蹺蹊路。直恁地穰穰勞勞互今古。

賀南川生子

和氣滿門闌。瑞靄騰街巷。喜今朝慶集高堂。也只是祖宗培養根基壯。恰桂子迎秋放。

〔南普天樂〕菊花香。龍山賞。撫景增情況。又那知際此佳祥。熊羆兆正叶心想。玳筵簫鼓淵淵響。貴客佳賓翩翩訪。又仙鬟玉珮玎璫。唱新詞宮商韻爽。充闥之喜。世德之光。

〔北脫布衫〕充闥喜世德之光。箕裘事喬梓之芳。萬事足芝蘭又盛。一身輕宦途何狀。

〔南傾盃序〕修篁俯畫廊。映碧窗。舉目皆清賞。酒友詩朋。吟風弄月。這般胸次。甚樣行藏。薰蒸溫養。流馨襲美。發秀傳芳。便有那謝家羣從。定誰強。北宮詞紀溫養作長養。

〔北小梁州〕聽了這一派啼聲出洞房。端的是擊玉鳴琅。徐卿二子。世無雙。槐庭上。沉醉了。又何妨。少不的鳳毛麟角。般般像。堪承藉。累世恩光。見如今世爵堂。回軒巷。玉觴金鬯。奕葉煥生香。

〔南小桃紅〕是平生陰德廣。意到處人俱仰。接武承顏。眼見的非虛獎。于公寶父。真堪想。丹心已被皇天亮。還應更有儀儼成行。

〔餘昔〕傳鸚鵡。引鳳凰。湯餅客。填門溢巷。願保護靈椿百歲長。

仙呂入聲甘州

中秋

長空霧捲。碧落光圓。玉宇風嬌。西樓開宴。掀簾正對
嬋娟。漫把金波酬此夜。喜見瑤華勝去年。舉酒問嫦娥。
桂海蒼然。

〔南雁過聲〕誰把佳期。期帶謫仙。空悵望雲間清虛殿。
便寒蟬玉兔人俱見。舞白鸞。燕星源。大都來凡俗非
緣。含杯桂影邊。且消磨扇底芙蓉面。好遣嬌歌倚素
絃。

〔北醉中天〕少室山頭竹。太華沼中蓮。影落佳人錦
瑟前。萬里光如練。却憶南村去年。分明不見。偏怎生
今夕依然。

〔南風淘沙〕圓缺陰晴各有緣。況天上與人間。流年